

**Faruk Selmanović**  
**Zastupnik u Skupštini Kantona Sarajevo**

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Skupština Kantona Sarajevo**  
**n/r Klegija Skupštine Kantona Sarajevo**

**Uputiti: Ministarstvu zdravstva Kantona Sarajevo i JU Zavodu za hitnu medicinsku pomoć Kantona Sarajevo**

**PREDMET: INICIJATIVA**

Poštovani,

Na osnovu člana 213. Poslovnika Skupštine Kantona Sarajevo, **pridružujem se inicijativi Kluba vijećnika SDA u Općinskom vijeću Novi Grad Sarajevo** i upućujem zastupničku inicijativu Ministarstvu zdravstva Kantona Sarajevo i JU Zavodu za hitnu medicinsku pomoć Kantona Sarajevo radi **otvaranja stalnog punkta hitne medicinske pomoći na području Općine Novi Grad Sarajevo**, na lokalitetu **Rajlovac**, u objektu **porodične ambulate Rajlovac**.

Općina Novi Grad Sarajevo predstavlja **teritorijalno najveću općinu u Kantonu Sarajevo**, sa izrazito velikim brojem stanovnika, gusto naseljenim područjima, te kontinuiranim porastom broja intervencija hitne medicinske pomoći. Uzimajući u obzir prostornu rasprostranjenost općine, udaljenost pojedinih naselja, kao i sve izraženije saobraćajne gužve, posebno u širem gradskom području, evidentno je da **postojeći kapaciteti hitne medicinske pomoći nisu u potpunosti prilagođeni stvarnim potrebama građana**.

Otvaranjem stalnog punkta hitne medicinske pomoći u Rajlovcu značajno bi se unaprijedila **dostupnost zdravstvene zaštite** građanima Općine Novi Grad Sarajevo, posebno stanovnicima naselja **Rajlovac, Reljevo, Brijesće, Dobroševići, Ahatovići i okolnih područja**. Ovakav punkt bi istovremeno **olakšao rad uposlenicima Zavoda za hitnu medicinsku pomoć**, skratio vrijeme dolaska na intervencije u udaljenijim dijelovima općine, te omogućio **bržu i efikasniju reakciju u hitnim i životno ugrožavajućim situacijama**.

Smatram da objekat porodične ambulate Rajlovac, uz određene tehničke i organizacione prilagodbe, može predstavljati **adekvatan prostor za uspostavljanje stalnog punkta hitne medicinske pomoći**, čime bi se na racionalan i ekonomičan način iskoristili postojeći zdravstveni kapaciteti.

Cijeneći da bi realizacija ove inicijative imala **višestruke koristi** – kako za građane Općine Novi Grad Sarajevo kroz bržu, dostupniju i kvalitetniju hitnu medicinsku pomoć, tako i za JU Zavod za hitnu medicinsku pomoć Kantona Sarajevo kroz bolju organizaciju rada, ravnomjerniju raspodjelu intervencija i smanjenje opterećenja postojećih timova – predlažem

da nadležne institucije **započnu pripremne aktivnosti za realizaciju ove inicijative**, uključujući potrebne analize, procjene i planske korake.

S poštovanjem,

Faruk Selmanović, zastupnik u Skupštini Kantona Sarajevo